

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
PREDSTAVNIČKI/ZASTUPNIČKI DOM  
**Kabinet sekretara/Ured tajnika**

БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ПАРЛАМЕНТ ФЕДЕРАЦИЈЕ  
ПРЕДСТАВНИЧКИ ДОМ  
**Кабинет секретара**

Broj: 01-02-3-1788/15  
Sarajevo, 15.02.2016.

**ZASTUPNIKU U  
PREDSTAVNIČKOM DOMU  
PARLAMENTA FEDERACIJE BIH**

U prilogu vam dostavljamo Zapisnik 6. redovne sjednice Predstavničkog doma Parlamenta Federacije BiH, održane 22.12.2015. godine.



Broj: 01-02-3-1788/15  
Sarajevo, 16.01.2016. godine

**Z A P I S N I K**  
**6. REDOVNE SJEDNICE PREDSTAVNIČKOG DOMA PARLAMENTA**  
**FEDERACIJE BIH, održane 22.12.2015. godine**

Sjednica je počela u 10.24.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, premijera i članove Vlade Federacije BiH, Međunarodne zajednice, kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Rusmir Mesihović, Halid Muhić, Enver Bijedić i ministrica Elvira Dilberović.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Predsjedavajući je kazao da je potrebno izvršiti verifikaciju mandata novoj zastupnici u Predstavničkom domu.

Predstavnik Komisije za izbor i imenovanja kazao je da je Centralna izborna komisija u svom obrazloženju navela da je Bahrudin Hadžiefendić (SBB) podnio zahtjev za utvrđivanje prestanka mandata zastupnika u Predstavničkom domu Parlamenta Federacije BiH zbog imenovanja na dužnost ministra u Vladi Tuzlanskog kantona. U vezi sa navedenim, Centralna izborna komisija BiH utvrdila je, na osnovu člana 10. stav 2. Izbornog zakona Bosne i Hercegovine, da se mandat zastupnika u Predstavničkom domu dodjeljuje Hasidi Isaković, sljedećoj kvalifikovanoj kandidatkinji sa liste SBB. Uzimajući u obzir navedeno i u skladu sa članom 65. Poslovnika, Mandatno-imunitetska komisija predlaže Predstavničkom domu Parlamenta Federacije BiH da se verifikuje mandat Hasidi Isaković (SBB).

U raspravi niko nije učestvovao.

Sa 68 glasova za, bez glasova protiv i uz dva uzdržana glasa, usvojen je Izvještaj Mandatno-imunitetske komisije i time verifikovan mandat Hasidi Isaković iz stranke SBB – Fahrudin Radončić.

Novoizabrana zastupnica dala je svečanu izjavu.

Zapisnik 4. redovne sjednice usvojen je bez primjedbi.

Prijedlog dnevnog reda zastupnici su dobili uz poziv za sjednicu.

U međuvremenu je Vlada Federacije BiH dostavila u proceduru Prijedlog Odluke o davanju saglasnosti na Rebalans Finansijskog plana Zavoda zdravstvenog osiguranja i reosiguranja sa pratećim materijalima, te je predloženo da se ta tačka uvrsti u dnevni red današnje sjednice.

Jozo Bagarić je, u ime predlagača, predložio da se 3. tačka dnevnog reda - Prijedlog Zakona o izmjenama i dopunama Zakona o budžetima u Federaciji BiH - povuče sa dnevnog reda jer će ovaj zakon dostaviti Vlada Federacije BiH.

